



桂花開咧

風輕輕吹，樹頂黃葉一皮一皮離枝，多情个風載緊黃葉，跳過優美个雙人舞了後，落泥謝幕，接力个樣，風毋恬，舞斯無停。在這精彩个黃葉舞中，傳來陣陣清香，淡淡个香，悠悠鑽入鼻公，牽絲入心肝肚。該因在腦膈肚真久真久个記憶，像冬眠過後个蛇蛻，在深深个窿肚蠕蠕動，蠕蠕動。

屋側角該頭桂花樹，係阿太手頭該下種个。還細時節，單淨知講樹身同脣口个細灶下平高，起盞零个個因在樹背，堵好分阿姆尋毋著。印象肚該淡淡个清香，係阿姆在店項同人客打嘴鼓个嘍嘍聲，係阿姆拖開錢箱个銀角聲，乜係阿姆搽胭脂時該香香个味瑞。

無閒个阿姆，為著一家人食著，歸日在店項舂頭磕額，鼻流流个個，係厥手指縫下抓捉毋著个細魚，日日跔阿哥河壩田坎岐岐走，魴神野鬼个樣滿哪遊遊野野，無到肚屎枵絕對無轉屋，阿姆看著毋慘勢，斯恹計綯吾腳，收吾心。店脣桂樹杈桎項溜兩條索落來，縐核一坵枋準晃槓分個搞，煞力箭啊箭，晃高高係斯看得著阿姆店肚無閒个身影，影得著來店項交關个每一個人客。看哪！阿珍妹拿一角銀買兩粒柑糖，錫著屋角頭个個口涎水緊吞。講著阿姆實在毋係普通个苛頭，平常時一粒柑糖都毋盼得打爽，偷地免不了竹筱食佢毋燥，佢講：「逐盞糖、餅，個做下做記號咧，偷噴騙個毋過喔！」還慇哪，信仔仔緊佬著阿姆正經係如來佛祖，麼个都知。

晃啊晃，個入學咧，桂花樹還係用厥壯旺个樹杈，吊緊阿姆做个晃槓，攪核吾个重量，樹下个索緊吊緊高，個也越箭越大膽。恬肅肅个當晝頭，阿姆會用柑糖拐個順續替佢掌店，坐在晃槓面頂，個係王，係帥，風來撥涼，蝶同烏蠅來熱鬧做伴，淡淡个清香跔核遊遊野野个妄想，對甜滋滋个嘴肚、鼻公空鑽入心肝頭。

作者：劉玉蕉

☆詞彙學習☆

- | | |
|---|---|
| 【悠悠】rhiu+ rhiu+：形容緩慢而細緻。 | 【毋慘勢】m ^ˇ cam ^ˋ shi ^ˋ ：情勢不對。 |
| 【牽絲】kien+ si+：形容如拔絲般。 | 【恹計】men ^ˆ gie ^ˋ ：想辦法。 |
| 【腦膈肚】no ^ˆ gag ^ˆ du ^ˆ ：腦海中。 | 【影得著】rang ^ˆ ded ^ˋ do ^ˆ ：瞥得見。 |
| 【味瑞】mui ^ˋ sui ^ˋ ：味道，此處指香味。 | 【苛頭】ko+ teu ^ˋ ：小氣。 |
| 【岐岐走】kia+ kia+ zeu ^ˆ ：無目的的到處跑。 | 【恬肅肅】diam+ shog ^ˆ shog ^ˆ ：安安靜靜。 |

☆文法學習☆

【(像)……个樣】ciong^ˋ……gai+ rhong^ˋ：像……一樣。「……个樣」字面義為「……的樣子」，引申作為比喻之用，將相似事物進行類比，意指「像……一樣」。

例1：阿聰伯兩公姐老來正得子，惜都心肝命袋个樣。(阿聰伯夫婦老來得子，疼得像命根子一樣。)

例2：佢生都高高又瘦瘦，像竹篙个樣。(他長得又高又瘦，像竹竿一樣。)